

verlieren & finden

in da fruah schau i hüflos in mein müchkaffee
mecht davon schwimmen im weißn schaum
mecht schwerelos treim auf ana lauwoamen wön
mecht owe tauchn bis am grund
a jeds zuckerbröserl tat i kostn
ob s da s du bist, wos do so siaß is
bis i di gfundn hätt im weißn schaum
nur damit i mi in dir verlier

i kann mi verlieren und finden in dir
du gehst in mein herz aus und ein
wia da flieder im mai
den s leis ban fenster einawaht
ban muntawean riach i nur di
ban niedalegn riach i nur di
jede nocht is a oanzig violetter tram
vom verlieren und vom finden in dir

©verena göttl